




KAONAFATŠO YA MAPHELO A BATHO KA MEETSE

COVID-19 WATER SUPPLY ROLLOUT



Ba Kgoro ya Meetse le Kelelatšhila ka bolaodi bja kgorwana tša meetse gammogo le ba Masepala ba thakgotše lesolo la go fihliša meetse ditšhabeng go lwa le leuba la Covid 19. Go lwantšha phethetšo ya kokwanahloko ye, batho ba swanetše go hlapa diatla ka mehla gape ba swanetše ke go fihlelelwa ke meetse a go nwa.

Lebalelo Water User Association le maloko a yona ao a bopšago ke bameepo le Kgoro ya Meetse le Kelelatšhila; ba thekga lenaneo le ka mašelang ka go hloma ditanka tše masomešupa (70) tša meetse. Ditanka tše di tla hlongwa masepaleng wa Makhuduthamaga le Fetakgomo Tubatse. Ditšhaba tše di kgethilwe ke Masepala wa Selete sa Sekhukhune gammogo le baKgoro ya Meetse le Kelelatšhila. Ka peakanyo ya Presidente ya naga ya nako ya masetlapelo, Lebalelo Water User Association ka melawana e beilwego, e thwetše borakotraka go aba ditanka tše tša meetse. Ka lebaka le Lebalelo Water User Association e kgonne go nanoga ka lebelo la mmotla ya šireletša batho ka pela pele go befa.

Lebalelo Water User Association e tlišetše gape ka go adima ditanka tša go thetha tše nne ya ba ya reka tše tshelago go aba meetse ditšhabeng. Ka go hloka tsebo ya gore leuba le le tlo fela neng, Lebalelo Water User Association e ikanne go tšwela pele go aba lenaneo le go fihla ka 30 Septemere 2020. Baotledi ba motseng ba tlo šomišwa go otlela dilori tša meetse mme ba tla hwetša madulo go badudi ba motse gape le go apeelwa dijo ke bona badudi ba motse gona fao ba šomelago gona. Lebalelo Water User Association e itlamile go direla setšhaba sa fao ba šomelago go sona gape le go kgonthiša polokego ya sona go kokwanahloko ka go thekga Masepala twantšhong ya leuba le. LWUA e šomišana leKgoro ya Meetse le Kelelatšhila, Masepala wa selete sa Sekhukhune (SDM) gammogo le dikgoro tše dingwe go rarolla tlhotlo ya meetse le ka moso.

www.lebalelo.co.za